



Testo Petr'alluttu

Armonizzazione melodia Bernardo Deriu

## L'ASSU DI SPADA

Cummari d'alta manera cun mecu no vi ghjucheti  
no ghjocu si non mi deti l'assu di spada una sera.  
Ghjocani li chi so dotti cummari a lumu di focu  
si no mi deti no ghjocu l'assu di spada una notti  
l'assu guadagna li sotti e voi no lu sapeti.

no ghjocu si non mi deti...\*

Maccari fora di strada si da pratica a l'amicu  
no ghjocu si no mi icu in manu l'assu di spada  
palchi e lu più chi m'aggrada di tutti li bè ch'aeti

no ghjocu si non mi deti...\*

Ghjocaria la me ita maccari a nuttata frisca  
siddh'agghju l'assu di brisca no la paldu la paltita  
maccari tutta la chita vi ghjocu si proa feti

no ghjocu si non mi deti...\*

Lu jocu no voddu fa vi docu lu bonu viaggju  
no m'innandu si no agghju l'assu di spada a ghjucà  
cu l'assu si pò gagnà a lu modu chi vuleti

no ghjocu si non mi deti...\*

Lu jocu e beddu adattu si no è ghjucatu invanu  
si m'icu cun l'assu in manu tandu puntu strisciu e battu  
lu focciu si femu un pattu tre mesi cridè vuleti

no ghjocu si non mi deti...\*

Calche sera o calche di palchì sia tempu cultu  
detimillu a fultu a fultu si mi uleti silvì  
criditi no l'agghj'a di mancu murendi a lu preti

no ghjocu si non mi deti...\*

Cummari d'alta manera cun mecu no vi ghjucheti  
no ghjocu si non mi deti l'assu di spada una sera.

Una immaginaria partita a carte , è usata, in un ardimentoso approccio da un "compare" nei riguardi di una "comare". Il tentativo di avere una relazione con la "comare" non è poi tanto mascherata , e nella canzone tutto questo è facilmente comprensibile.